



Broj: 03-45.2-23-840-1/19  
Istočno Sarajevo, 1.7.2019. godine

Na osnovu člana 61. stav 2. Zakona o upravi („Službeni glasnik BiH”, br. 32/02, 102/09 i 72/17), člana 9. stav 2. Zakona o osnivanju Instituta za standardizaciju Bosne i Hercegovine („Službeni glasnik BiH”, broj 44/04), a u vezi s tačkom 4.2.21 BAS poslovnika o radu stručnih tijela Instituta, i prijedloga poslovnog plana prihvaćenog na 18-toj sjednici BAS/TC 50, održanoj 03.04.2019. godine, direktor Instituta za standardizaciju Bosne i Hercegovine odobrava:

## POSLOVNI PLAN

### BAS/TC 50 *Ambalaža, plastika i guma*

#### 1. Uvod

Predmet rada Tehničkog komiteta BAS/TC 50, *Ambalaža, plastika i guma* (u daljnjem tekstu: BAS/TC 50, obuhvata standardizaciju u oblasti ambalaže, plastike i gume.

BAS/TC 50 prati rad sljedećih korespondentnih komiteta:

- CEN/TC 145, *Plastics and rubber machines (Mašine za gumu i plastiku)*;
- CEN/TC 146, *Packaging machines – Safety (Mašine za ambalažu-Sigurnost)*;
- CEN/TC 218, *Rubber and plastics hoses and hose assemblies (Gumena i plastična crijeva i crijevni priključci)*;
- CEN/TC 249, *Plastics (Plastika)*;
- CEN/TC 261, *Packaging (Ambalaža)*;
  
- ISO/TC 45, *Rubber and rubber products (Guma i proizvodi od gume)*;
- ISO/TC 51, *Pallets for unit load method of materials handling (Paleta za rukovanje materijalima pojedinačnih pakovanja)*;
- ISO/TC 61, *Plastics (Plastika)*;
- ISO/TC 63, *Glass containers (Stakleni kontejneri)*;
- ISO/TC 122, *Packaging (Pakovanje)*.

BAS/TC 50 je formiran Rješenjem direktora Instituta za standardizaciju BiH o formiranju Tehničkog komiteta br. IP-00119/10 od 23.03.2010. god. Trenutno je aktuelno Rješenje o promjenama u Tehničkom komitetu BAS/TC 50, br. 03-45.1-23-880-1/18 od 14.06.2018. godine.

Tehnički komitet BAS/TC 50 je formiran radi:

- analize potreba i pripreme prijedloga za preuzimanje međunarodnih i evropskih standarda;
- razmatranja inicijativa i utvrđivanja programa i planova rada u području djelovanja;
- razmatranja i utvrđivanja metoda rada i aktivnosti na izvršavanju planova rada TC-a;

- 
- osnivanja radnih grupa (WG) i *ad hoc* grupa (AG) te definiranja njihovih područja rada i zadataka;
  - usklađivanja planova rada WG-a;
  - pripremanja i utvrđivanja nacrti i prijedloga BAS standarda;
  - razmatranja mišljenja, primjedbi i prijedloga dobijenih u toku javne rasprave;
  - pripremanja i prezentiranja stručnih mišljenja odgovarajućim tijelima međunarodnih i evropskih organizacija za standardizaciju u skladu s procedurom pripreme međunarodnih i evropskih standarda, te korištenja drugih mogućnosti uključivanja u njihov rad;
  - saradnje s drugim tehničkim komitetima i subjektima koji se bave aktivnostima u vezi sa standardizacijom.

Takođe, za predmete standardizacije iz oblasti rada BAS/TC 50 za koje ne postoje evropski standardi i drugi standardizacijski dokumenti, BAS/TC 50 može da donese odluku o preuzimanju međunarodnih standarda i drugih standardizacijskih dokumenata, a ako oni ne postoje, može da donese odluku o preuzimanju nacionalnih standarda i drugih standardizacijskih dokumenata drugih zemalja, s kojima Institut ima potpisan ugovor, kao i o izradi izvornih BAS standarda.

## 2. Poslovno okruženje

### 2.1 Opšte

Ambalaža je svaki proizvod, neovisno o prirodi materijala od kojeg je napravljen, namijenjen za sadržavanje, čuvanje, zaštitu, rukovanje, isporuku i predstavljanje robe, od sirovina do gotovih proizvoda, od proizvođača do korisnika ili potrošača. Ambalaža uključuje pomoćna sredstva za pakovanje, koja služe za omotavanje ili povezivanje robe, posebno za pakovanje, nepropusno zatvaranje, pripremanje za otpremu i označavanje robe.

EU Direktiva o ambalaži i ambalažnom otpadu (94/62/EC, Packaging and packaging waste), nije preuzeta u nacionalno zakonodavstvo države Bosne i Hercegovine. Nadležnost za provođenje propisa o zaštiti životne sredine imaju entiteti (FBiH i RS) u BiH. Općine su glavni pružaoci javnih usluga.

U Federaciji BiH upravljanje otpadom, a posebno upravljanje ambalažnim otpadom, regulisano je većim brojem zakona i propisa. Federalno ministarstvo okoliša i turizma je nadležno za utvrđivanje pravnog okvira i njegovu primjenu.

Važeći propisi i pravilnici:

- Zakon o upravljanju otpadom ("Službene novine Federacije BiH", broj 33/03)
- Zakon o zaštiti okoliša ("Službene novine Federacije BiH", broj 33/03)
- Zakon o fondu za zaštitu okoliša ("Službene novine Federacije BiH", broj 33/03)
- Zakon o izmjenama i dopunama Zakona o upravljanju otpadom ("Službene novine Federacije BiH", broj 75/09 od 2. decembra 2009. godine)
- Zakon o izmjenama i dopunama Zakona za zaštitu okoliša ("Službene novine Federacije Bosne i Hercegovine" broj 39/09 od 16. juna 2009. godine)
- Pravilnik o upravljanju otpadom ("Službeni list BiH", broj 34/91)
- Pravilnik o izdavanju dozvole za aktivnosti male privrede u upravljanju otpadom, broj 9/05.

U Republici Srpskoj, Ministarstvo za prostorno uređenje, građevinarstvo i ekologiju RS je nadležno za utvrđivanje pravnog okvira i njegovu primjenu. Upravljanje otpadom u RS regulisano je sljedećim propisima:

- Zakon o upravljanju otpadom Republike Srpske (Službeni glasnik RS 51/2002)

- 
- Zakon o izmjenama i dopunama Zakona o upravljanju otpadom: Uredba o ambalaži i ambalažnom otpadu, Pravila o postupku proizvodnje, razmjene i korištenja ambalaže.

## **2.2 Kvantitativni pokazatelji poslovnog okruženja**

### **Evropska Unija**

Evropska komisija ovlastila je Evropski komitet za standardizaciju (CEN), da razvije standarde koji zadovoljavaju esencijalne zahtjeve EU Direktive o ambalaži i ambalažnom.

CEN razvija evropske standarde kako bi podržao industrijske i društvene potrebe za pakovanjem. Promet industrije ambalaže u zapadnoj Evropi predstavlja oko 2% BDP-a. Glavni korisnik ambalaže s gotovo 60% ukupne proizvodnje ambalaže je prehrambena industrija.

Ambalaža se odnosi na različite subjekte: proizvođače sirovina, pretvarače ambalaže, korisnike, prijevoz, distribuciju, potrošače, aktivnosti gospodarenja otpadom i javne vlasti. Posljednjih godina u nekim sektorima za pakovanje (npr. stakla, papira, kartona, metalnih limenki), povećala su se spajanja i internacionalizacija. Međutim, još uvijek postoji veliki broj malih i srednjih poduzeća.

### **2.3 Zahtjevi tržišta**

Institut za standardizaciju BiH prati zahtjeve tržišta u BiH i kontinuirano radi na preuzimanju evropskih standarda iz oblasti ambalaže. EU Direktiva o ambalaži i ambalažnom otpadu sadrži šest harmoniziranih standarda, koji su preuzeti kao BAS standardi u BiH standardizaciju. Navedeni standardi se mogu koristiti za ocjenjivanje usklađenosti ambalaže. Ambalaža koja se ocjenjuje mora zadovoljiti zahtjeve harmoniziranih standarda u kojima su navedeni i aspekti zaštite okoline.

### **2.4 Aspekti zaštite okoline**

U Bosni i Hercegovini nadležni za provođenje propisa kojima se reguliše zaštita životne sredine su entiteti (FBiH i RS). Entitetska ministarstva nadležna za pitanja zaštite okoline izdaju okolišne dozvole kompanijama. Kontrole se odnose i na upravljanje otpadom sa posebnim naglaskom na opasni otpad (npr. akumulatori), ali ne posebno na ambalažni otpad.

## **3. Očekivane koristi od rada BAS/TC 50**

Osnovne koristi koje se očekuju od rada BAS/TC 50 jesu sljedeće:

- donošenje BAS standarda koji su identični s evropskim i/ili međunarodnim standardima, čime se obezbjeđuje efikasan način za provjeru ispunjenosti uslova utvrđenih zakonima i/ili propisima donijetih na međunarodnom, regionalnom ili nacionalnom nivou;
- pružanje podrške nadležnim ministarstvima i drugim tijelima državne uprave u aktivnostima koje se odnose na usklađivanje propisa s evropskom regulativom, obezbjeđivanjem BAS standarda usklađenih s evropskim i/ili međunarodnim standardima;
- zaštita potrošača;
- uklanjanje prepreka u trgovini;
- predstavljanje i zastupanje interesa BiH u postupku donošenja evropskih i međunarodnih standarda.

## **4. Zainteresovane strane**

Sve zainteresovane strane u BiH su pozvane da učestvuju u radu ovog tehničkog komiteta, uz osiguranje ravnopravnog učešća i zastupljenosti svih interesnih grupa. Moguće je i učešće u statusu posmatrača, pod određenim uslovima koji su utvrđeni Internim pravilima Instituta za standardizaciju BiH. Sve zainteresovane strane mogu da predlože usvajanje određenih standarda.

---

Zadatak ovog tehničkog komiteta je da u narednom periodu u svoj rad uključi što je moguće veći broj zainteresovanih strana.

## **5. Ciljevi i strategije za njihovo ostvarivanje**

### **5.1 Ciljevi**

- Usvajanje standarda iz oblasti ambalaže, plastike i gume u skladu s internim pravilima za standardizaciju Instituta;
- Usklađivanje nacionalnih standarda i drugih standardizacijskih dokumenata s evropskim i/ili međunarodnim standardima i drugim standardizacijskim dokumentima;
- Preispitivanje svih BAS standarda u roku od pet godina od njihovog objavljivanja i donošenje odluke o povlačenju onih standarda i drugih standardizacijskih dokumenata koji imaju isto područje primjene kao evropski ili međunarodni standardi ili drugi standardizacijski dokumenti;
- Zastupanje interesa BiH u oblasti rada tehničkog komiteta pred odgovarajućim evropskim i međunarodnim komitetima za standardizaciju kroz učestvovanje bosanskohercegovačkih stručnjaka u radu navedenih tehničkih komiteta;
- Primjena osnovnih principa standardizacije;
- Promovisanje interesa Instituta za standardizaciju BiH;
- Odgovor na zahtjeve zainteresovanih strana.

### **5.2 Strategija za ostvarivanje ciljeva**

Ostvarivanje ciljeva BAS/TC 50 zasniva se na definisanju prioriteta rada, a to su:

- Praćenje rada korespondentnih komiteta i preuzimanje novih standarda i drugih standardizacijskih dokumenata;
- Povećanje broja bosanskohercegovačkih stručnjaka u radu navedenih korespondentnih komiteta;
- Prevođenje što većeg broja standarda na jedan od službenih jezika u BiH;
- Povećanje broja zainteresovanih strana koje će učestvovati u radu BAS/TC 50;
- Sprovođenje periodičnih sistematskih pregleda i preispitivanja svih standarda i drugih standardizacijskih dokumenata koje je pripremio BAS/TC 50, kako bi se obezbijedila validacija primjene za sve zainteresovane strane koje koriste ove standarde;
- Revidiranje tekstova povučenih BAS standarda objavljenih na jednom od službenih jezika u BiH u skladu s novim izdanjima evropskih ili međunarodnih standarda, kako bi se održao ili povećao broj objavljenih BAS standarda nastalih preuzimanjem evropskih i/ili međunarodnih standarda na jednom od službenih jezika u BiH;
- Informisanje članova BAS/TC 50 o revidiranim Internim pravilima za standardizaciju Instituta.

## **6. Faktori koji mogu uticati na ispunjenje i implementaciju programa rada**

- Nedovoljno učešće domaćih stručnjaka u donošenju BAS standarda;
- Nezainteresovanost stručne javnosti za učešće u javnoj raspravi i dostavljanje primjedbi i predloga u vezi s nacrtima BAS standarda koji se stavljaju na javnu raspravu;
- Nedostatak finansijskih sredstava koji onemogućava obezbjeđenje odgovarajućih prevoda i upućuje na preuzimanje standarda metodom proglašavanja/korica, što umanjuje kredibilitet ovih standarda u poslovnom okruženju;
- Neblagovremeno dostavljanje prijedloga zainteresovanih strana za donošenje BAS standarda pri izradi plana rada BAS/TC 50;
- Nedovoljno pridavanje značaja radu članova BAS/TC 50 i njihova opterećenost poslovima u matičnim organizacijama koje su ih delegirale, što može da dovede do nedovoljnog

---

učešća članova BAS/TC 50 na sjednicama, a samim tim i do odstupanja od plana usvajanja standarda.

- Nepostojanje prevoda odgovarajućih BAS standarda na jednom od službenih jezika u BiH iziskuje dodatne napore i sredstva koji su van oblasti rada BAS/TC 50 i Instituta.

## 7. Plan aktivnosti

Aktivnosti BAS/TC 50 usklađene su s planovima rada tehničkog komiteta kroz:

- planove pripremanja, donošenja i objavljivanja BAS standarda i drugih standardizacijskih dokumenata u navedenoj oblasti rada, u skladu s Internim pravilima za standardizaciju Instituta;
- obezbjeđivanje usaglašenosti BAS standarda i drugih standardizacijskih dokumenata s evropskim i međunarodnim standardima u navedenoj oblasti rada;
- učestvovanje u izradi i preispitivanju standarda i drugih standardizacijskih dokumenata koje donose evropske<sup>1</sup> i međunarodne organizacije za standardizaciju u navedenoj oblasti rada;
- druge aktivnosti koje predloži Savjet za standardizaciju BiH;
- druge aktivnosti na prijedlog zainteresovanih strana.

Dostavljeno: 1. Sekretarijatu BAS/TC 50,  
2. a/a.

DIREKTOR

.....  
Aleksandar Cincar

---

<sup>1</sup> Sa glasanjem o razvoju evropskih standarda i drugih standardizacijskih dokumenata započeti će se kada Institut postane punopravni član CEN-a i CENELEC-a